

*Est beru chi calecunu fit pius de unu fogarone ma ue si faghiat sa comparìa fit unu fogareddu pius minore, pro che lu poder brincare chena si brujare.*

*S'omine ei sa femina leaiant su propriu mucaloru e bi faghiant battor nodos in d'ogni bicu. Ognunu leaiat sue de s'ateru e cumpare lu deviant innodare nende "como semus compares de fogarone de Santu Giuanne". Nos prommitiaimus ambos duos bene perenne cun affettu e rispettu.*

*Sos pius betzos naraiant calecuna preghiera chi non m'est restada in mente e chi naraiat pius a mancu:*

*"...Compare e frade meu, Santu Juanne de Deu, in custu fogu giuramus, pro Deu e Santu Juanne, in cosas de allegria, frades e sorres in cumpagnia. Fitzamentra a nos morrer, lu ponimus in assentu, chi devimus esser frades e frades, frades e sorres de giuramentu".*